

平谷縣志

卷

重脩誌書弁言

丙午之秋九月既望余由東粵蒞任平邑試觀山川地理城郭形勝以至紳衿黎庶與夫士俗習尚猶有近古風意一日者因棊堂政事暇披邑誌帙其中所

編紀自元及明筆於隆慶年歲由後缺而不載歷更甲子一週餘秉筆鮮其人迨詳覽者久之遂奮然起續補之志時公務殷繁盖有志焉而未達越今年丁未恒陽李公諱柱明者承學任

叭教化爲大務會逢朔期與紳  
博弟子輩商確厥事僉曰甚善  
余志遂果於續補猶未之竟成  
俄而上台叭文書馳至有脩  
補誌書之令爰與李公登堂纂  
輯命邑庠之老成經歷者敷陳

軼事採訪時尚詳共所當詳畧  
其所當畧凡邑中之山水形景  
昭然不改宮室廟宇像貌猶存  
者仍載之叭備觀瞻若夫循良  
治績科名甲第叭及明經宦遊  
者綴補七十餘載事至於錢穀

兵刑簿書會計依制叙入下而  
里巷之謳吟與士女之節孝有  
閔風化者則續補之未幾而事  
竟成矣愜余志共愜紳博弟子  
輩志是余有志與李公相聚而  
謀則成誌也爰命工剗劂以著

一代重脩之誌云

皆

康熙六年歲次丁未秋月知平  
谷縣事關中金明任在陞頓首  
書於仕優軒



重修平谷縣誌序

古有列國史繼為郡邑志志以紀事  
也事蓋乘時也時遞轉則事遞新  
故創於前不可無輯於後期於踵事  
增華紹明前規也平志起於明隆  
慶之六年重修於萬曆之二十年

迄今蓋七十餘載矧

大清定鼎百度維新豈邑乘一書仍蹈  
舊轍而不思所以纂修之乎雖妙峯  
瑞屏碣石洵水諸勝跡未之或改然其  
間戶口之登耗賦役之煩簡與夫賢  
良循吏忠臣孝子義夫節婦暨水

旱稜祥陵谷桑田之變未列史冊者  
比比然兼之字畫剝落多魯魚豕亥  
之訛編次失倫貽掛一漏萬之謂何  
以徵文獻而詔來茲則今日此誠釐舊  
更新之一會也幸

邑侯任公以三秦宿儒剖竹盤陰桑

下雉嬌河陽花秀其循績俱在民口碑  
間忽於琴心暇暢毅然以脩志為己任  
適奉有  諸上台纂輯之命公喜而  
言曰吾願可藉此以成矣因以採集屬之  
紳衿謬以校勘責諸不慧而訂其簡  
蔓正其得失易鄙俚為雅馴悉出公

手要以崇賢絀奸信今傳後無失  
吾尼父春秋家法而已今一展讀之  
則見其簡而周詳而整臚列嚴  
明殊無剩義嗣是采風者瞭然  
顛末而無燭前暗後之虞尹茲此  
居今稽古而獲調停鈞節之術

且使邑之人覽曰若倍美若倍惡  
若人正若人邪當无踴躍竦息法  
戒分途則是志之用意微立教遠  
也舉昔七十餘載之曠典一旦增而  
完美焉他年國乘昭垂非留錦  
製鮮鮮耶編竣余固樂觀厥成

僭述其重修之由公以余為知言  
遂弁而 諸梓

皆

康熙六年歲次疆圉協洽南呂  
月穀旦平谷縣儒學訓導恒陽  
李柱明頓首書於澹寧公署

平谷縣志

序

七





今天下四海昇平萬邦効順  
星垂聯璧之祥河獻澄清之  
瑞苟非德教淪浹聲名洋  
溢烏能臻此羨盛哉  
聖天子猶不自暇逸勵精圖治  
賢執政異得人而事銳志搜

羅余以郡博微員謬廁薦  
牘荷

皇上隆恩 召見勤政殿  
天語溫和疊承  
清問敬陳一得之愚遽獲  
九重之譽小臣何人不感激殊遇

失聲痛哭更為清慎自矢乎  
况余才短識庸驟膺民社恐  
錦難學製覆餗深憂耳幸  
值蕞爾之隅實掩簿書之拙  
下車後披閱邑乘見夫有明  
一代科甲繩繩且多顯秩暨閱

國朝所載不但售槐捷柳者罕有  
其人即歲薦恩擢以及忠孝節  
義之倫亦落落晨星空編白  
簡將何以傳示來者耶屈指  
康熙丁未令博諸公踵事補  
修至雍正戊申前後六十餘

年之久事實槩未採錄行懼  
其湮沒而不彰也微邑紳衿  
請余亦將整殘續缺謀之剗  
劂以脩一代之徵矧紳衿頻以  
補修為請乎余越疆末士也  
僻處東南偏境素慕燕

趙雷封雖無馴雉遊魚之異  
頗有脩廢舉墜之心標功名  
耶闡德行耶紀文章耶表  
人物耶非長吏之責而誰責  
乎爰出囊俸哀集衆捐總  
六十餘年中事實脩為採

錄付梓以期毫髮無遺余之志也計向來罅漏一時未能補綴姑舉其可考者俾後之人見美而法見不善而懲由是風俗益歸於厚人心益進於醇四海萬邦沐浴昇平之化翱翔効順

之風庶幾報

聖天子於萬一耳是為序

雍正六年九月上浣之吉

特命直隸試用署順天府薊州平谷  
縣事錢塘項景倩題於漁陽公  
署

平谷縣誌

地里志

山川地理圖

城廓屯社圖

縣治公署圖

景致圖

分野

沿革

邑名

疆域

山川

形勝

邊防附

風俗

四時習尚附

城池

公署

郵驛

舖舍附

平谷縣志

目錄

一

鄉社

村庄墩堡附

學校

壇廟

寺觀

橋梁

古蹟

陵墓景致附

坊市

國賦志

戶口

田賦

土產

力差

惠政

邊儲附

秩官志

職官

名宦

選舉志

科第

武舉附

封爵

貢蔭

人物志

人物

善人

列女

仙釋

藝文志


平谷縣志

目錄


一一

文

詩




北至界河縣城



高橋山頭三河縣界五十里







平谷縣志

圖四





平谷縣志

圖五





平谷縣志

圖六





平谷縣志

圖七



平谷縣誌卷之一

地里志

分野

星象懸于天封域應于地是故九州所封之域皆有分星焉吾茲平谷其在燕分之星乎嗚呼地有定域星有定主人事得失而妖祥迅應無毫髮爽敬天勤民者良可畏矣故志分野

前漢書地志云燕地尾箕分野薊郡之平谷燕之分也又曰自危四度至斗六度謂之析木之次

平谷縣志

上卷

一

爾雅云析木謂之津釋者謂天漢之津梁為燕此析木為燕之分星而幽之星土也 冷鳩州曰如燕在北而配以東方之析木 晉書天文志云尾箕幽燕也自尾十度至南斗十一度為析木于辰在寅燕之分野屬幽州漁陽尾三費直謂起尾九度蔡邕謂起尾四度 唐天文志云尾箕析木津也初尾七度餘六千七百五十秒中箕五度終南斗八度應上谷漁陽等郡

建置沿革

封域之畫存乎制沿革之變因乎時平谷自漢隸于漁陽郡其來遠矣而封割徙置隨代而殊要亦勢使然也故志建置沿革

平谷在薊州城西北九十里按禹貢為冀州之域有虞時屬幽州漢以封盧縮高帝十二年縮亡始名平谷縣屬漁陽郡後唐廢為大王鎮金復為平谷縣元初併入漁陽縣尋復置平谷縣隸薊州明因之編戶一十三里曰辛寨社鹿角社獨樂社坊廓社日勤屯遷民屯泰務屯祖務屯高村屯安固屯廣成屯負廓屯廣儲屯成化八年併為七里曰辛寨社鹿角社獨樂社坊廓社泰務屯日勤屯負廓屯至於

平谷縣志

上卷

一一

邑名

平谷為縣其名號代殊已見沿革中茲復表而出之用以便稽覽爾故志邑名

盤陰郡

縣在盤山之西北故因以名之

疆域

昔禹敷土以別州境奠高山大川以表州鎮則疆域之制為急平谷迺劍 屬邑東西南北相距不滿五十里而其疆域亦當區以別焉使有定守而不相侵越故志疆域

東西廣四十里南北袤四十里西由陸路一百五十里 于京師南由水路三千二百五十里達于江南其四至也東至田家峪薊州界三十里南至厥山庄三河縣界一十五里西至高家石橋三河縣界一十三里北至翟家庄三河縣界三十里其八到也東到薊州七十里西到順義縣九十里南到三河縣四十里北到密雲縣九十里東南到薊州邦 店六十里西北到懷柔縣一百里西南到香河縣九十里東北到將軍石營四十里

山川

曰天險不可升也地險山川立 也王公設險以 其國山川之險固為國者之所重也平谷群山鍾靈衆川競秀者足稱焉故志山川

山

十 形 本



瑞屏山

在縣北二十里 峯秀列如屏上有石臺

妙峯山

在縣東北二十五里峯巒秀授下有九姑

泉水山

在縣南八里下有泉逆流河發源處也灌

峨嵋山

靈泉山

栢山

俱在縣東北二十里惟峨嵋山低員秀麗

鷄足山

在縣東北三十里下有三泉寺

喝山

在縣東四十里峯巒峭峻林谷深邃上有

城山

在縣東北五十里四山高聳中平如城有

平谷縣志

上卷

四

盤山

一名盤龍山在縣東三十里高二千餘仞

氣鼓嶺

在縣南十五里山形如鼓上有孔每旦雲

周村河

在縣西十里源出口外入于沟河

馬莊河

在縣東三里源出海子庄入于沟河

獨樂河

在縣東北二十里或伏或見斷續無常西

逆流河

一名小碾河在縣南發源泉水山下西北

沟河

在縣東北源出口外入薊州之黃崖

而南流經三河至寶

坻界會于白龍港

龍泉井

在縣東北十五里永樂年間于此因鑿是井故名

嘗

紅泥洞

在縣南十五里

靈泉

在縣東北二十里源出靈泉山下有龍王廟其水灌溉田園人多賴其利

龍潭

一在縣南大王務二十里一在縣東北龍王廟二十五里

形勝

邊防附

賈誼云形勝之國阻山帶河懸隔千里是故形勝者天下古今尚焉平谷峯巒萃嶺波流瀦迴且宅田里之上腴疇平野濶是亦得形勝之一二也改

志形勝

平谷縣志

上卷

五

邑畧

平谷東橫大嶺西峙兔山南瀕沟水北倚瑞屏山  
明水秀林壑幽雅足為東北一區之屏蔽

邊防

將軍石營提調

統本營

峨嵋山營

黃松峪關

將軍石關

彰作裏關

黑水灣寨

峨嵋山寨

俱屬薊州兵備道并馬蘭峪營叅將所轄

鎮羅關提調

統本營

熊兒峪營

南水峪關

北水峪關

熊兒峪寨

灰峪口寨

漁子山寨

俱屬密雲兵備道并  
墻子嶺參將所轄

### 風俗

四時習尚附

書曰俾予從欲以治四方風動又曰黎民於變時  
雍王制命大師陳詩以觀民風盖上行下效之謂  
風衆心安定之謂俗變漓為淳其機亦係乎上之  
人耳故志風俗

唐杜牧之傳云沉鷺多力隋志云土風椎鈍宋蘇  
軾傳云勁勇沉靜所謂燕地多悲歌慷慨之氣  
非誣也迄今平邑密邇

### 平谷縣志

#### 上卷

#### 六

輦轂之下士知務學農尚耕桑率皆回心嚮道恩  
化行而風俗美也

### 四時習尚

正月元旦五更初起竈前先具香燭謂之接竈明  
燎陳盤案拜天地禮百神祀先祖堂中燒避瘟丹  
放起火響砲為樂卑幼盛服飾拜尊長為壽親朋  
交賀旬日乃止 迎春日帖宜春字茹春餅取迎  
新也 上元節張燈十四日至十六日止放焰火  
花砲又于十六日士民群遊過橋俗云散百病二

月春分日造春分酒三月寒食曰百五節男女添  
土于先墓具酒穀祭奠 清明折柳插簷男女戴  
于首女子有鞦韆之戲 四月八日鄉民或子各  
廟賽神 五月端午節射柳懸艾包角黍相餽兒  
女輩以色絲繫頸臂名為百歲索遇天旱婦人群  
聚洗箕于河求雨澤 六月六日暴衣書及畜水  
浸物不腐敗 初伏日居民各以麥麵造酒麩  
七月七日女子注水漂針窺影樣為戲謂之乞巧  
節 十五日中元設麻穀于堂中祭先祖薦時食

謂之鬼節 八月十五日夕設瓜果于庭院坐待  
月華祭畢群飲為樂謂之賞月 九月重九日登  
高製花糕相餽釀菊酒 十月朔祭祖宗剪紙為  
衣焚之謂之送寒衣 十五日滌場散農作 十  
一月冬至祀先拜尊長如元旦儀官府則賀冬民  
間不稱賀 十二月初八日作臘八粥雜以米豆  
黍果為之 二十四日暮祀竈神謂之送竈品用  
糖餅 除日帖春聯換門神桃符立天燈至夜明  
燎爆竹祀先祖祭事畢卑幼各稱觴為父兄尊長

壽圍爐聚飲曰守歲

### 城池

夫城池者捍外衛內保國安民之大防也是故築斯城鑿斯池與民固守而弗去孟子嘗以之告滕君矣使城池修濬則外侮弗侵二者罔備則民焉恃以無恐居責任者可不時加修濬以壯威而弭患乎故志城池

縣舊有土城形制低狹成化丁亥巡撫閔公本委營州右屯衛指揮袁忠增築之城高二丈五尺址

廣三丈五尺頂殺址三之二周圍六百丈包以磚石塹濶二丈五尺深半之值歲既久漸以傾壞嘉靖壬午強寇入城中如丘墟然巡撫孟公春廼命兵備熊公相督營州中屯衛指揮季勲重修完固後未幾四十年嘉靖癸亥冬寇馬奄至城下知縣任彬設法守禦晝夜隄防俄而寇既引去彬將有事城池為扞圉永策遂請于監司維時總督軍門劉公燾撫院溫公景葵按院董公堯封屯院秦公嘉楫閔院陳公省兵備張公守中咸有金穀助焉

彬又自理百餘金為士民倡邑衆翕然輸財效力  
輿石燒磚撤舊城而新之增築五尺俾益崇又于城  
四門各樹以樓扁其東曰挹盤西曰拱辰南曰迎洵  
北曰威遠城隅增舖舍四又濬其塹沿塹悉植以柳  
城峻池深屹然矣但裏口單薄壕尚淺隘隆慶二年知縣  
瞿聽到任即首議此事乃以義勸士民人心樂從不煩  
督迫之勞遂成盤石之固挑濬壕池比舊又深丈餘  
濶亦多半幫築城牆裏口堅厚近丈修砌堞口東西  
二門添置吊橋常則使人往來變則斯去防守各門  
冠民皆欣然有固守弗去之志矣

平谷縣志

上卷

九

公署 平谷密邇

京師逼近關隘而軍衛錯置其間最為重地且設官分職  
必有公署以安居焉是故仕于斯者念經始之勞則  
當思厚仰帡幪之賜則當思忠毋得畔官離次而  
莫知所做也故志公署

縣治在東街洪武初建成化三年知縣郭銘重修

正德三間東西耳房各一間庫房三間

在正  
廳東 典史廳

三間在正西 六房東西各五間大門三間儀門三間

戒石坊一座在儀門內知縣劉愛建 後堂三間知縣馮思忠建 倉獄神廟

一間預備倉東南北各三間俱在儀門外東 監房三間在儀

門外西 知縣公廨在後堂 縣丞公廨在東三房東 典史公廨

在典史廳西 吏舍在縣丞公廨後 申明亭三間在縣門東 旌善亭三

間在縣門西俱知縣劉愛建 陰陽學在縣治西北今廢 醫學在縣治西今廢 積留

倉在縣治西北裁革今廢 僧會司在縣治西覺雄寺 道會司在縣東南朝陽觀

察院在縣治東洪武九年建嘉靖二年知縣王謙重

修正廳三間後堂五間知縣劉愛添修 穿堂一間知縣劉愛建

平谷縣志 上卷 十

大門三間儀門三間前後東西廂房共十二間

後察院在縣治北成化年間建嘉靖二十五年知縣王

椿重修正廳三間後堂五間知縣劉愛添修 大門三間儀

門一間前後東西廂房各二間

營州中屯衛在察院東永樂二年自口外大寧地方移建

于此成化四年都御史閔公本重修正廳三間抱廈三

間左右耳房各一間後堂三間六房東西各三間大門

三間儀門一間經歷司廳三間鎮撫司廳三間左右中前後所各二間軍器局三間軍需庫三間以上今俱廢

監房三間經歷盧寧建 經歷公廨六間經歷盧寧建 演武

廳三間 東西廂房各二間 將臺一座 在縣西門外

縣樊 沙嶺館 地無上司停驂千舍知縣劉愛買

郵驛 舖舍附

郵以傳命也驛以厚使也命傳則上下之情通使厚則往來之勞節壅命薄使責有攸歸矣其所係詎不重哉若夫舖舍亦郵驛之類耳故志郵驛

郵驛無

舖舍

在城總舖 在縣治南今廢 高村舖 在縣治南今廢 新店舖 在縣

平谷縣志 上卷 十一

南十里 下箭務舖 在縣北二十里二舖知縣姚湛建

鄉社 村庄墩堡附

邑有鄉有圖有社有屯蓋兼成周井地宋人保甲之法而酌行之者也賦稅徭役咸由此出使鄉社之耗乏乃為政之所深憂者仁人君子尚圖有以寬之故志鄉社

辛寨社 在縣西北 鹿角社 在縣西南 獨樂社 在縣東北

坊廓社 在城北 泰務屯 在縣東 日勤屯 在縣北

負廓屯 在縣北 廣成屯 在縣北



村庄

馬家庄 里三

張家庄 里六

龍家務 里六

安固屯

里八 黄土崗 里八

夏家庄 里十

南泰務 里十

中

泰務 里十 北泰務 里十

賢堂庄 里十

以上俱在縣東境

楊家庄 里四

稻地庄 里十

大王務 里十五

以上俱在

縣東南境 寺渠庄 里二

小碾頭庄 里四

東高村 里八

新店 里十 以上俱在縣南境

西高村 里八

霽霽庄 二十

里 高家庄 里十五

以上俱在縣西南境

馬圈庄 里四

閻家庄 里四

東鹿角庄 里六

趙家庄 里六

西鹿

平谷縣志

上卷

十一

角庄 里八

岳家庄 里八

北臺頭庄 里九

南臺頭

庄 里九

周村 里十

魯家庄 里十

以上俱在縣西境

賈家庄 里四

大新寨 里八

小新寨 里七

白家庄

里十 城子庄 里十二

放光庄 里十三

蓮花潭 里十五

里 下箭務 里十五

晏駕會 里十五

井兒峪 里十二

縣西北境 以上俱在

齊家庄 里五

羅家庄 里八

東胡

家務 里十

中胡家務 里十

宋家庄 里十

西胡家

務 里十

北管村 里十二

以上俱在縣北境

下紙寨 里一

上紙寨 里三

橋頭營 里六

南歷西庄 里十

北歷

西庄里十 山東庄里十五 峯臺里十八 南獨樂

河庄里二十 文家庄里二十 北獨樂河庄里二十

甘營里十八 望馬臺里二十 水峪庄里二十 潞

水庄里二十 海子庄里二十 滑子庄里三十 上

馬家庄里三十 祖務庄里三十 上寨庄里三十

新開峪里四十 紅石崖庄里五十 高家堡里五十

以上俱在縣東北境

墩堡

西城墩 小碾頭墩 晏駕會墩 羅家庄墩

平谷縣志 上卷 十三

新店墩 下箭務墩 高村堡 鹿角堡

泰務堡 山東堡 放光庄堡 望馬臺堡

學校

夫學校所以群士也士所以倡化也學興則士奮士奮則化敦此為治者之首務而鼓舞振作端有望于任有司職風化者故志學校

儒學在縣治南建于元至元間已粗有基址至明成化五年知縣郭銘重修其制淺狹卑陋加之棟宇垣墉率多傾廢嘉靖二年清戎監察御史熊公

榮倡議巡撫都御史孟公春總兵官馬永叅將呂  
昌各助物料兵備副使熊公相督署印縣丞宋澄  
增拓修理輪奐視昔加美焉值歲既久復漸圯壞  
至嘉靖四十年監察御史秦公嘉楫以屯田按縣  
謁廟迺移文所治出其帑所贏以助傭費知縣任  
彬卜日鳩工又捐俸市材于是舉邑向風慕義富  
効財貧出力不期月而告成殿廡堂齋煥然一新  
戟門外鑿泮池甃磚橋其外橫衢豎二坊東曰興  
賢西曰育才為一邑之偉觀今俱廢只存遺址云

大成殿三間 東西廡各五間 戟門三間

櫺星門三座 明倫堂三間在殿後 崇德齋三

間在堂東側 廣業齋三間在堂西側 啓聖祠三間

敬一箴亭三間 文昌祠三間俱在殿東 教諭公

廡 訓導公廡俱在殿西 名宦祠戟門外東 鄉賢祠

戟門外西 射圃一所在學東南今廢 社學在縣治西今廢

壇廟

周禮小宗伯之職掌國之神祇其祀典品式秩  
然弗紊而春秋修舉焉所以崇厥敬而祈民祐

也故志壇廟

社稷壇

在城外西北洪武七年建

風雲雷雨山川壇

在城外

七年建

邑厲壇

在城外正北洪武七年建

軒轅黃帝廟

在縣北漁子山上

真武廟

在縣北城上

東嶽廟

在縣西門外洪武年間建正統十年縣丞張鐸重修

關帝廟

在縣西門甕城內元至三年建成化六年重修

城隍廟

在縣治北洪武年間建嘉靖二十年重修

二郎神廟

在縣南寺渠庄

火神廟

在縣南門外

崔府君廟

在縣東北橋頭營

龍王廟

在縣南寺渠庄

馬神廟

在縣治西今廢

有石

廂房二間門一

縣劉愛建廟

蚩蠟廟

在縣南寺渠庄

寺觀

佛老之徒左道也然古刹琳宮或有賜額焉且

刻印其官持教祝禧亦制所不廢者故志寺觀

覺雄寺

在縣治西遼重熙十三年建嘉靖八年

慈福寺

在山東庄西北至縣十五里正統九年

臨泉寺

在東高村東一里至縣八里大遼時建

興隆寺

在瑞屏山下至縣二十里元大德元年

香嵐寺

在漁子山寨南二里至縣二十里金明

獨波峪寺

興善寺

在峨嵋山營東二里至縣二十里唐咸

白雲寺

在黑豆峪寨北至縣二十五里金皇統

平谷縣志

上卷

十六

勝水寺

在祖務庄東至縣三十五里今俗稱閣

雙泉寺

在嶧山集東至縣四十里金明昌年建

三泉寺

在上馬家庄東北至縣三十五里金永

龍泉寺

在盤龍山西至縣三十里元至正四

一在嘉靖二十七年重修今俗稱歷西寺

一在井兒峪東至縣二十五里元至正十

安固寺

在縣東八里

淨寧寺

在西鹿角庄至縣八里金大定二十年

淨嚴寺

在大新寨至縣八里遼天慶十年建正

德元年重修今俗稱新寨寺

石佛寺

在東胡家務北至縣十里元至正二年建

竭山寺

在竭山集東至縣四十里元至正三年建

會雲菴

在水峪庄南至縣三十里永樂二十二年建

彌陀菴

在稻地庄至縣十里正德年間建嘉靖二十六年重修

朝陽觀

在縣治東南永樂年間建內有道會司

延祥觀

在北獨樂河庄至縣二十里元至元二十六年建

橋梁

夏令十月成梁周制造舟為梁蓋橋梁所以便民

行也是故秦作河橋春秋予之乘輿濟人孟氏譏

焉橋梁亦為政之急務也因時創修民無病涉惟

在有司加之意而已故志橋梁

東門橋

西門橋

洩水橋

在縣西門外隆慶五年知縣劉愛條陳  
疏通六渠入于河以除滄潦之患此其  
一也因通大道  
故建坊以表之

解骨橋

在縣西北十里

小碾頭橋

在縣南五里

高家石橋

在縣西十五里

龍家務橋

在縣東五里

魯家庄橋

在縣西十里

東河渡

寺渠渡

周村渡

鹿角渡

以上四渡

秋之時行人皆有舟楫以通往來焉冬十月為梁或板或草次年水漲即撤去

### 古蹟

陵墓景致附

杜甫過宋王故宅而作詩以慨蘇子登桓山周覽而援琴以歌凡人于古人之不可見者覩其往蹟輒徘徊不忍捨去夫信而好古仲尼猶然况其下者乎黍離興悲秋露增感存古之廢正所以著今之興之盛也鑒戒之意良寓于茲矣故志古蹟

### 石室

在縣東五十里城山

### 古縣城

在縣西十二里 城子庄

## 平谷縣志

### 上卷

### 十八

### 看花臺

在縣南五里逆流河之西相傳金章宗看花于此遺址尚存

### 望馬臺

在縣東二十里

### 摩鼓臺

在縣東二十里

### 發箭臺

在縣北二十里相傳金章宗出獵登此三臺以觀逐獸

### 陵墓

### 軒轅陵

俗傳在縣東北十五里漁子山下今山上有軒轅廟

### 漢將馬成墓

在縣東二里有碑

### 葆真太師墓

在縣東北二十里今獨樂河庄有碑

### 巨構墓

金節度使在縣南八里有碑

金花公主墓

在縣東三十里上馬家庄俗傳金章宗安葬于此其墓兩山相抱從

崖口鑿石穴四銅環棺木懸空引海子水流入于內其深莫測至今捕魚者或見之

張格墓

金轉運使在縣北八里

張伯道墓

元都元帥府經歷

張居仁墓

元奉訓大夫在縣東北十五里

張仲文墓

元奉訓大夫在縣東北十五里

張德温墓

元進士在縣東北十五里

景致

盤陰積雪

洵水晚渡

峨眉聳翠

平谷縣志

上卷

十九

石室清風

獨樂晴波

鼓頂朝雲

靈泉漱玉

峯臺夕照

坊市

易演義曰坊方也言人所居之里以為坊也風俗通曰市恃也言交易而退恃以不匱也是故坊市之設有旌淑勵俗之美焉有通商利民之益焉非徒飭觀聽而已故志坊市

興賢坊

在儒學東

育才坊

在儒學西二坊知縣任彬立

振揚威武坊

在察院東

保惠黎元坊

在縣治西



桂林坊

在縣治西南三坊知縣劉愛建

賔賢坊為永樂戊子科舉人王隨劉源謝迪立

應奎坊為永樂辛卯科舉人張翥立

登庸坊為正統辛酉科舉人馬麟立

登雲坊為正統甲子科舉人黃綬張雲立

雙桂坊三座一為景泰庚午科舉人金綬金純立

一為弘治乙卯科舉人張檜張禴立

一為弘治辛酉科舉人金澄金濂立

步蟾坊為景泰庚午科舉人宮塘立

平谷縣志

上卷

二十一

步月坊為景泰癸酉科舉人吉俊立

冲霄坊為成化乙酉科舉人賈宗鏞立

飛騰坊為成化戊子科舉人曾錯立

登瀛坊四座

一為成化辛卯科舉人張鑄立

一為弘治甲子科舉人賈真儒立

一為正德庚午科舉人張雲衢劉宗儒唐相立

一為正德癸酉科舉人王銳于堂王世安立

奪錦坊為成化丁酉科舉人倪恩立

青雲獨步坊為成化癸卯科舉人郝瑄立

文奎坊為成化丙午科舉人劉永堅張瑁立

解元坊為弘治乙卯科解元張檜立

恩榮坊十一座

一為正統丙辰科張溥立

一為正統乙丑科黃綬立

一為景泰甲戌科金純立

一為成化戊戌科張鎧立

一為弘治庚戌科譚昇立

平谷縣志

上卷

二十一

一為弘治己未科張禴立

一為弘治壬戌科張檜立

一為弘治乙丑科王鏗立

一為正德辛未科金濂立

一為嘉靖壬辰科范愛立

一為嘉靖辛丑科賈鶴年立

洩水橋坊

在縣西門外知縣劉愛建

集市

在城每月五日十日

峨嵋山營并嶧山每月四日九日

國賦志

戶口

周禮司民掌登萬民之數自生齒以上皆登于版  
辨其國中與其都鄙及其郊野異其男女三年大  
比獻其數于王王拜受之登于天府重民命也至  
黃籍率一紀一更造以驗其生息若夫撫字之方  
又在司民牧者加之意耳故志戶口  
縣舊志戶五百五十一戶

平谷縣志

上卷

二十二

口二千四百五十

明季實存人丁五千四百四十四丁白

清朝定鼎開除節年投充并逃亡故絕人丁共四千五  
百二十八丁

實在編審幼丁并供丁共二千七百三十二丁各  
則徵不等共徵銀五百九十二兩九錢四分六厘

田賦

周禮大司徒經土田而井牧其田野太宰以九賦  
斂財賄生財足用之義備矣

度田以稅民為屯以授軍亦不刊之良法也但久則弊生而田者屯者日以困悴若夫調停康濟端有望于司民牧者故志田賦

縣舊志官民田地一千一百五十一頃四畝一厘

明季實存民寄荒地一千一百二十四頃三十畝六分三厘七毫八系內圈投去一千六十四頃八十一畝八分八厘八毫二系

存剩并清查夾空退斷出民荒地共二百五十七頃四十六畝七分三厘七毫八系內康熙六年奉

文圈去民地一百三十九頃一十六畝三厘七毫八系實剩民荒地一百一十八頃二十七畝一分外圈去口西受補地九十四頃五十八畝九分止受補口西地三百一十一頃六十八畝九分又受補任丘縣地二百三十三頃七十四畝九分三厘七毫八系實在民荒并受補地共六百六十三頃七十畝九分三厘七毫八系各則徵銀不等共徵銀一千二百九十六兩六錢五分九厘二毫五系四忽七微

九織三沙八塵三埃六渺三漠七糊三吏四瀆

額外

宮勳籽粒等地共七十七頃四十九畝四分四厘

鎮羅營備荒地一十五頃三十九畝一分

營州中屯衛地七十六頃三十三畝

以上共地一百六十九頃二十一畝五分四厘內

沙磧水衝地共三十八頃五十九畝七分一厘九

毫蒙

戶部差  滿官查明開豁訖外存剩地一百三十

平谷縣志

上卷

二十四

頃六十一畝八分二厘一毫蒙

部差艾滿官圈給鑲黃旗下耿压頭等訖

土產

周禮以土會之法辨土地之物凡生川澤丘陵墳

衍原隰各有所宜焉其辨土宜驗物性充國賦利

民用亦志之所必載者故志土產

穀類

粟 甚多類  
稻 有糯有粘者  
黍 有黑

黃 五種  
稷 俗有稱之糜子  
粳 有白黃三種  
粳 有白黃

種似粟而大  
麥 秋有大麥春麥  
稗  
芝蔴

菊 林  
草 黍 一名薏苡  
豆 有青黃黑菘白紅六

花類

菊 一種一色  
石竹  
萱 一名憂  
八仙

望 江南  
玳 珠  
葵 有紅白紫黃  
芍 藥

有紅白二種  
山 丹  
鷄 冠 有紅白  
榴 花 有紅白

甘 酸 二色 二子 有味  
王 簪  
金 盞  
鳳 仙  
滴 滴 金

平谷縣志

上卷

二十五

剪 春 羅  
木 槿  
梅 桂 有刺 色紅 性香 其莖

長 春 一名四季花  
丁 香

菓類

紅 棗  
栗  
杏  
蒲 萄  
桃 有櫻 栗 金 栗 秋

羊 棗  
核 桃  
梨 有香水 紅 銷 鶴 頂 紅 雪 花

李 有玉 黃 青 翠 牛 心 紅 鴈 過  
銀 杏  
頻 婆

虎 喇 賓  
沙 菓  
柿  
西 瓜  
文

果

菜類

葱 韭 蒜 芹 蔓菁 芥 白菜

蘿蔔 又有紅白二種 茄 萵苣 瓜 有王瓜

瓜稍瓜甜 芫荽 藤蒿 莧菜 蒼蓮

菠菜 木欒芽 黃花 香椿 甜菜

蕨菜

草類

萍 蒲 艾 蒿 茅 苔

木類

榆 槐 栢 椿 松 桑

平谷縣志

上卷

二十六

楊 柳 橡 榧 楮

藥類

蒼朮 黃芩 菖蒲 地黃 半夏 牽牛

蒺藜 薏苡仁 車前子 瓜蒌 細辛

柴胡 芍藥 防風 升麻 苦參 桔梗

知母 益母草 酸棗仁 地骨皮 葛根

商陸 黃精 黃栢 兔絲子 葶麻子

禽類

鵝 鴨 鷄 鶩 鷹 鸕鶿

鶴 鷓 鴒 鴿 鴈 布谷 鵲

鶴鶉 班鳩 鴛鴦 天鵝 鷺鷥 老鸛

喜鵲 八哥 黃鸝 鴟鴞

獸類

豹 牛 羊 馬 騾 驢

猪 犬 麀 鹿 兔 狐

虎 獾 猫 刺蝟 狼

魚類

鯉 鯽 鱸 鮎 蝦 蚌

平谷縣志

上卷

二十七

鼈 泥鰱 石鱧

虫類

蠶 蜂 蝴蝶 蛾 螢 蚊

蠓 促織 蜻蜓 蛇 蚯蚓

蠍 虎 蟬 蠍 蝙蝠 蠅 蝦蟆

蟻 蜘蛛

貨類

絲 蜂蜜 花椒 靛 綿花 麻

石灰 蠟



國朝力差

老人 七名

書手 七名

舖兵 十一名

民壯 五十名

禁子 八名

更夫 八名

皂隸 本縣併接通皂隸共二十二名

庫子 本縣四名

儒學斗級 二名

本縣倉斗級 四名

門子 本縣二名看察院二名

吹手 四名

轎傘扇夫 七名

灯笼夫 四名

閘夫 平津閘二名南浦閘二名

夕月壇壇戶 一名

轎擯夫 十六名

馬夫 本縣各官并駟遞共六名

儒學門斗 二名

捕衙皂隸 四名

捕衙門子 一名

平谷縣志

上卷

二十八

惠政 邊儲附

周禮以九兩係邦國之民曰師以賢得民曰藪以富得民盖富而後教因為政之序而足食強兵乃圖治之急平谷密邇京師儲蓄亦當有備焉是故倉稟實而禮節可興也軍需具而國威可振也其所係詎不重哉故志惠政

本縣預備倉

